

欽定四庫全書

子部

備急千金要方卷十五  
六





詳校官太醫院醫士臣舒岱

編修臣倉聖脈覆勘

欽定四庫全書

備急千金要方卷十五

唐 孫思邈 撰

宋 林億等 校正

七竅病方

目病第一

論曰凡人年四十五已後漸覺眼暗至六十已後還漸

目明治之法五十已前可服瀉肝湯五十已後不可瀉

肝目中亦疾可傳石膽散藥等無病不可輒傳散但補

欽定四庫全書

備急千金要方

一

金匱要略卷十五  
肝而已自有肝中有風熱令人眼昏暗者當灸肝輸及  
服除風湯圓散數十劑當愈

生食五辛

接熱飲食

熱餐麪食

飲酒不已

房室無節

極目遠視

數看日月

夜視星火

夜讀細書

月下看書

抄寫多年

雕鏤細作

博奕不休

久處煙火

泣淚過多

刺頭出血過多

右十六件並是喪明之本養性之士宜熟慎焉又有

馳騁田獵冒涉風霜迎風追獸日夜不息者亦是傷  
目之媒也恣一時之浮意為百年之痼疾可不慎歟  
凡人少時不自將慎年至四十即漸眼昏若能依此  
慎護可得白首無他所以人年四十已去常須瞑目  
勿顧他視非有要事不宜輒開此一術護慎之極也  
其讀書博奕等過度患目者名曰肝勞若欲治之非  
三年閉目不視不可得瘥徒自瀉肝及作諸治終是  
無効人有風疹必多眼昏先攻其風其暗自瘥

足太陽陽明手少陽脉動發目病黃帝問曰余嘗上清  
冷之臺中陞而顧匍匐而前余私異之竊內怪之或獨  
冥視安心定氣久而不解被髮長跪俛而視復久之又  
不已卒然自止何氣使然岐伯對曰五臟六腑之精氣  
皆上注于目而為之睛睛之果者為眼骨之精為瞳子  
筋之精為黑眼血之精為其絡果氣之精為白眼肌肉  
之精為約束果契筋骨血氣之精而與脉并為系系上  
屬于腦後出於項中故邪中于項因逢身之虛其入深

則隨眼系以入于腦入于腦則轉轉則引目系急急則目眩以轉矣邪中其睛則其睛所中者不相比則睛散

睛散則岐故見兩物目者五臟六腑之精也營衛魂魄之所營也神氣之所生也故神勞則魂魄散志意亂是

故瞳子黑眼法于陰白眼赤脉法于陽故陰陽合揣靈

作俱轉而精明矣目者心之使也心者神之舍也故神分

精亂而不專靈樞卒然見非常之處精神魂魄散不相

得故曰惑帝曰余疑何其然也余每之東苑未嘗不惑



去之則復余惟獨為東莞勞神乎何其異也岐伯曰不然夫心有所喜神有所惡卒然相感則精亂視誤故神惑神移乃復是故間者為迷甚者為惑

目眥外決于面者為兗眥在內近鼻者上為外眥下為內眥目赤色者病在心白色者病在肺青色者病在肝黃色者病在脾黑色者病在腎黃色不可名者病在胸中

診目痛赤脉從上下者太陽病從下上者陽明病從外

走內者少陽病

夫鼻洞鼻洞者濁下不止傳為軌膏瞑目故得之氣厥  
足陽明有俠鼻入于面者名曰懸顱屬口對入係目本  
視有過者取之損有餘並不足反者並甚足太陽有通  
項入於腦者正屬日本名曰眼系頭目固痛取之在項  
中兩筋間入腦乃別陰躄陰陽相交陽入陰出陽交于  
兌背陽氣盛則瞑目陰氣絕則眼瞑  
神麴圓主明目百歲可讀注書方

神麴 四兩

磁石 二兩

光明砂 一兩

右三味為末鍊蜜為丸如梧子飲服三丸日三不禁  
常服益眼力衆方不及學者宜知此方神驗不可言

當秘之

瓜子散補肝治眼漠漠不明亦名十子散方

冬瓜子

青箱子

菟蔚子

枸杞子

牡荊子

蒺藜子

菟絲子

蕪菁子

決明子

地膚子

栢子仁

各二合

牡桂

萸萸根

各二兩

蕤仁

一合一云二合

車前子

一兩

細辛

半兩一云兩半

右十六味治下篩食後以酒服方寸匕日二神驗

補肝圓治眼暗方

青箱子

桂心

葶藶子

杏仁

細辛

芫薺子

枸杞子

五味子

各一兩

茯苓

黃芩

防風

地膚子

澤瀉

決明子

麥門冬

蕤仁

各一兩六銖

車前子

菟絲子

各二合

乾地黄

三兩

兔肝

一具

右二十味為末蜜丸飲下二十九丸如梧子日再加至

三十九

又方治眼暗眵眵不明寒則淚出肝痺所損之方

兔肝二具

栢子仁

乾地黄

茯苓

細辛

麩仁

枸杞子各一兩  
六銖

防風

芎藭

薯蕷各一兩

車前子一合

五味子十八銖

甘草半兩

菟絲子一合

右十四味為末蜜丸酒服如梧子二十九日再服加

至四十九

補肝散治目失明漠漠方

決明子

半升

蓼子

一合 熬令香

青羊肝

一具 去上膜 薄切之 以新瓦瓶

子未用者淨拭內肝於中炭火上炙之令極乾汁盡木之

右三味合治下節以粥飲食後服方寸匕日二稍加

至三七不過兩劑能一歲服之可夜讀細書

又方治三十年失明方

鍾乳粉

雲母粉

各鍊成者

細辛

茯苓

遠志

五味子

分等

右六味治下節以酒服五分匕日三加至一錢匕

補肝蕪菁子散常服明目方

蕪菁子三升淨淘以清酒三升煮令熟曝乾治下節

以井花水和服方寸匕稍加至三匕無所忌可少少

作服之令人充肥明目洞視水煮酒服亦可

千金翼用水煮

三易水

又方胡麻一斗蒸三十遍治下節每日酒服一升

又方服小黑豆每日空心吞二七粒

又方三月三日採蔓菁花陰乾治下節空心井花水服  
方寸匕久服長生明目可以夜讀細書

補肝散治男子五勞七傷明目方

地膚子

一斗陰  
乾為末

生地黄

十斤搗  
取汁

右二味以地黄汁和散曝乾更為末以酒服方寸匕

日二

又方白瓜子七升絹袋盛攪沸沸湯中三遍曝乾以酢



五升浸一宿曝乾治下篩酒服方寸匕日三服之百日可夜寫細書

梔子仁煎治肝實熱目昏痛如刺方

梔子仁

決明子

蕤仁各一兩

車前葉

秦皮

各一兩六銖

石膏

一兩碎如小豆

苦竹葉

二合

細辛

半兩

赤蜜

三合

右九味呖咀以井花水三升煮取七合去滓下蜜更煎取四合以綿濾之乾器貯密封勿使草芥落中以

藥汁細細仰卧以傳目中

瀉肝湯治眼赤漠漠不見物息肉生方

柴胡

芍藥

大黃

各四兩

決明子

澤瀉

黃芩

杏仁

各三兩

升麻

枳實

梔子仁

竹葉

各二兩

右十一味以咀水九升煮取二升七分合分三服熱多

體壯加大黃一兩羸老去大黃加梔子仁五兩

又方治眼風赤暗方

前胡

芍藥

各四兩

生地黄

十兩

芒硝

黄芩

茯苓

白芷

枳實

各三兩

人參

白朮

梔子仁

澤瀉

各二兩

甘草

細辛

各一兩

竹葉

五升

右十五味㕮咀以水一斗二升先煎竹葉取九升去

滓下諸藥煮取三升半分三服

洗肝乾藍煎治肝熱不止衝眼眼皆赤赤脉息肉痛閉

不開熱勢彭彭不歇及目睛黃方

乾藍

車前葉

苦竹葉

各三升

細辛

秦皮

麩仁

梔子仁

芍藥

各三兩

決明子

四兩

升麻

二兩

右十味呔咀以水二斗先煮乾藍車前竹葉取一斗

去滓澄清取八升內藥煮取三升分三服須利加芒

硝二兩

大棗煎治目熱眦赤生赤脉侵睛息肉急痛閉不開如

芥在眼礞痛方

大棗

七枚去皮核

黃連

二兩碎綿裹

淡竹葉

切五合

右三味以水二升煮竹葉取一升澄清取八合內棗

肉黃連煎取四合去滓令淨細細以傅目眚中

治目中息肉方

臙脂

石鹽 末

右二味和合令調注目兩眚頭日三夜一瘥

又方五加不聞水聲者根去土取皮搗末一升和上酒

二升浸七日外一日兩時服之禁醋二七日徧身生瘡

若不出未得藥力以生熟湯浴之取毒瘡出瘥

洗眼湯治熱上出攻目生障翳目熱痛汁出之方

秦皮

黃蘗

決明子

黃連

黃芩

蕤仁

各十  
八銖

梔子

七  
枚

大棗

五  
枚

右八味呔咀以水二升浸煮取六合澄清仰卧洗日

一

治目生翳方

貝子十枚燒灰治下篩取如胡豆著翳上日二正仰

卧令人傳之炊久乃拭之息肉者加真珠如貝子等

分

治目赤及醫方

烏賊骨

鉛丹 大小等分

右二味合研細和白蜜如泥蒸之半食久冷著眼四

皆

又方白羊髓傳之良

又方熟羊眼睛曝乾治下篩傳目兩角

又方新生孩子胞衣曝乾燒末傅目眚中

又方古錢

一枚

鹽

方寸七

右二味合治下篩傅目眚中

治目風淚出浮翳多膿爛眚方

乾薑

決明子

礬石

麩仁

細辛

黃連

戎鹽

各六銖

銅青

三銖

右八味以少許水浸一宿明旦以好白蜜八合和之著銅器中綿蓋器上著甑中以三斗麥屑蒸之



飯熟藥成絞去滓以新死大雄鯉魚膽二枚和內藥  
中又以大錢七枚常著藥底兼常著銅器中竹簪綿  
裹頭以注目背頭晝夜三四不避寒暑數著藥乾又  
以魚膽和好覆藥器頭勿令氣歇善

治熱瞽漫睛方

以羊筋漱口熟嚼夜卧開目內之即閉目睡去膜明

日即瘥

千金翼以治  
眯目不明

治風瞽方

取死猪鼻烧灰治下篩日一向日水服方寸匕

治目熱生膚赤白膜方

取雄雀尿細直者人乳和熟研以傅之當漸消爛  
又方以蛔蟲燒為末傅之良

治人馬白膜漫睛方

以雞翎截之近黑睛及當白睛啣之膜自聚鈎針鈎  
挽之割去即見物以綿當眼上著血斷三日瘥

蕩風散治目白膚風淚下方

刪繁方名  
真珠散

光明朱砂

半兩

具齒

五枚炭上熟燒為末

夜中白魚

七枚

乾薑

三銖

一方用生薑自然汁澄粉代乾薑

右四味於新磁鉢內研之厚帛三下為散仰卧令人

取小指爪挑少許傳目中取瘥為度

千金翼名真珠散主目醫覆腫

睛不見物

治目中生息肉膚醫稍長欲滿目閉瞳子及生珠管方

具齒

七枚燒為末

真珠

等分

右二味合治如粉以注醫肉止日三度甚良亦治目中眯不出

治目生珠管方

滑石

一作冷石

手爪甲燒

龍骨

貝齒

丹砂

各等分

右五味治下篩以新筆點取當珠管上日三度良

治毒病後目赤痛有醫方

以青布掩目上以冷水漬青布數易之

治熱病後生翳方

豉二十七枚燒為末內管中以吹目中

治熱病後眼暗失明方

以羊膽傅之旦暮各一

治風眼爛眚方

竹葉

黃連

各一兩

栢白皮

一兩半

右三味呖咀以水二升煮取五合稍用滴目兩眚日

三四度

治胎赤眼方

取槐木枝如馬鞭大長二尺齊頭油麻一匙置銅鉢中旦使童子以水研之至暝止夜卧時洗目傳眚日三良

治目爛赤方

取三指撮鹽置古文錢上重重火燒赤投少醋中足淹錢以綿沾汁注目眚中

乳汁煎治目中風冷淚出眚赤癢方

黃連

銖十八

蕤仁

兩半

乾薑

兩一

右三味㕮咀以人乳汁一升浸藥一宿明旦以微火

煎取三合綿絞去滓取如黍米許內目眦頭日三

張文

仲方三  
味等分

治目中風腫痛除熱揉眼方

礬石三兩燒令汁盡以棗膏和如彈丸揉眼上下食

頃日三止

洗眼湯治目赤痛方

甘竹葉

七枚

烏梅

古錢

各三枚

右三味以水二升漬藥半日東向竈煮三沸三上三下得二合臨欲眠注目眥

治目卒腫方

以酢漿水作鹽湯洗之日四五度

治目卒癢痛方

削乾薑令圓滑內眥中有汁拭却復內薑味盡易之  
治五臟客熱上衝眼內外受風冷目痛不明方



地膚子

瓜仁子

青箱子

蒺藜子

芫蔚子

藍子

菟絲子

蕤仁

千金翼作車前子各二合

栝子仁

合半

決明子

五合

細辛

一兩六銖

桂心

一兩八銖

大黃

二兩

螢火

六銖

黃連

一兩半

右十五味為末蜜丸如梧子每服三十九丸食後服日

三

千金翼無柏子仁

治目赤痛方

雄黃

一銖

細辛

黃連

乾薑

各二銖

右四味合治如粉以綿裹釵股唾濡頭注藥末內大背頭急閉目目中淚出須臾止勿將手近勿將帛裹勿洗之

又方雄黃

乾薑

黃連

礬石

各六銖

右四味合治並如前方一方加細辛六銖

治眼赤暗方

古青錢

三枚

青鹽

一兩六銖

杏仁

杏未熟時取仁搗汁一合

右三味合內坩器中封頭勿泄氣百日後出著目四  
背頭日二三避風冷

治眼暗赤冷淚方

麩仁

波斯鹽

右二味等分治下篩以驢生脂和每夜傅目四角以  
一粟大密室中將息一月日瘥忌五辛失明者三十  
日傅之

治目痛及淚出不止方

削附子作蠶屎大內目中卧良

治目不明淚出方

以烏雞膽臨卧傳之

治雀盲方

地膚子

五兩

決明子

一斤

右二味為末以米飲汁和丸食後服二十丸至三十丸日二盡即更合瘥止

治雀目術

令雀盲人至黃昏時看雀宿處打令驚起雀飛乃呪

曰紫公紫公我還汝盲汝還我明如此日日瞑三過

作之眼即明曾試有驗

肘後云刪繁  
載支太醫法

真珠散治肝氣虛寒眼青眵眵不見物方

真珠

一兩  
研

白蜜

二合

鯉魚膽

鯉魚腦

各一枚

右四味和合微火煎兩沸綿裹內目中當汁出藥歇

更為之

治目眵眵無所見方

青羊肝一具細切以水一斗內銅器中煮以麩餅覆  
上上鑽兩孔如人眼正以日向就熏目不過再熏即  
瘥千金翼若眼暮無  
所見不用麩餅

### 治眼暗方

以銅器盛大酢三四升煎七八日覆器濕地取銅青  
一合以三月杏白仁一升取汁和銅青傳之不過三  
四度大良

### 又方

古錢七枚

銅青

乾薑

石鹽

胡粉

荊實子

各中棗大烏頭棗核大

黃連

三銖

細辛

五銖

麩仁

一百三十枚

酢

二合

清酒

五合

楸葉

一把取汁

右十三味治下篩合煎取三分去一盛瓷器中若燥

取人乳和傅目慎風冷

又方每朝含黃藥一爪甲許使津置掌中拭目訖以水

洗之至百日眼明此法乃可終身行之永除眼疾神良

又方

柴胡

六銖

決明子

十八銖

右二味治下篩人乳汁和傅目可夜書見五色

治眼暗方

七月七日生苦瓠中白絞取汁一合以酢一升浸古

文錢七枚微火煎減半以米許大內背中

治眼漠漠無所見方

麩仁

秦皮

黃連

各十八銖

螢火

七枚



決明子合一

右五味哎咀以水八合微火煎取三合冷以綿注洗

目日三度

蕪菁子常服主輕身益氣明目方

蕪菁子一升以水四升煮令汁盡出曝乾復以水四

升煮如前法三煮三曝治下篩飲服方寸匕千金翼云百日

身熱瘡出不久自瘥

治明目令髮不落方

十月上巳日收槐子內新淨甕中以盆密封口三七  
日發封洗去皮取子從月一日復一枚二日二枚日  
別加計十日服五十五枚一月日服一百六十五枚  
一年服一千九百八十枚小月減六十枚此藥主補  
腦早服之髮不白好顏色長生益壽先病冷人勿服  
之

肘後云  
扁鵲方

又方牛膽中漬槐子陰乾百日食後吞一枚十日身輕  
三十日白髮再黑至百日通神

治目中眯不出方

以蠶砂一粒吞下即出

治稻麥芒等入目中方

取生蠶螬以新布覆目上將蠶螬從布上摩之芒出  
著布良

治沙石草木入目中不出方

以雞肝注之

又方以書中白魚和乳汁注目中

治目中昧法

旦起對門戶跪拜云門戶狹小不足宿客方便瘥  
治目為物所傷觸青黑方

煮羊肉令熱熨勿令過熱猪肝亦得

治目痛不得睡方

暮炙新青布熨并蒸大豆袋盛枕之夜常令熱

目中赤痛從內眥始取之陰蹻

目中痛不能視上星主之先取諛諤後取天牖風池

金匱要略卷十五  
卷十五  
青盲遠視不明承光主之

目瞋遠視眵眵目窓主之

目眵眵赤痛天柱主之

目眩無所見偏頭痛引目外眥而急頷獸以主之

目遠視不明惡風淚出憎寒頭痛目眩骨內眥赤痛遠

視眵眵無見眥癢痛淫膚白翳精明主之

青盲無所見遠視眵眵目中淫膚白膜覆瞳子巨窞主

之

目不明淚出目眩瞶瞳子癢遠視眵眵昏夜無見目睛  
動與項口參相引喎僻口不能言刺承泣

目痛僻戾不明四白主之

目赤目黃權竅主之

眇目水溝主之

目痛不明斷交主之

目暝身汗出承漿主之

青盲瞶目惡風寒上關主之

金匱要略卷之五  
卷十五  
青盲商陽主之

瞳目眵眵偏歷主之

眼痛下廉主之

目中白翳前谷主之

目痛泣出甚者如脫前谷主之

白膜覆珠子無所見解谿主之

灸法餘穴見前

瞳目眵眵少氣灸五里右取左左取右

眼暗灸大椎下數節第十當脊中安灸二百壯惟多為  
佳至驗

肝勞邪氣眼赤灸當容百壯兩邊各爾穴在眼小眥近  
後當耳前三陽三陰之會處以兩手按之有上下橫脉  
則是與耳門相對是也眼急痛不可遠視灸當瞳子上  
入髮際一寸隨年壯穴名當陽

風醫患右目灸右手中指本節頭骨上五壯如小麥大  
左手亦如之



風癢赤痛灸人中近鼻柱二壯仰卧灸之

目卒生翳灸大指節橫文三壯在左灸右在右灸左良

備急千金要方卷十五

欽定四庫全書

備急千金要方卷十六

唐 孫思邈 撰

宋 林億等 校正

七竅病方

鼻病第二

論方  
灸法

治鼻塞腦冷清涕出方

通草

辛夷

各半  
兩

細辛

甘遂

一作  
甘草

桂心

芎藭

附子

各一  
兩

右七味為末蜜丸綿裹內鼻中密封塞勿令氣洩丸  
 如大麻子稍加微覺小痛擣薑為丸即愈用白狗膽  
 汁和之更佳

治鼻塞常有清涕出方

細辛

蜀椒

乾薑

芎藭

吳茱萸

附子

各十  
八銖

桂心

一兩

皂莢屑

半兩

猪膏

一升

右九味㕮咀以綿裹苦酒漬一宿取猪膏煎以附子

色黃為度去滓綿裹內鼻孔中并摩鼻上

治涕出不止方

灸鼻兩孔與柱齊七壯

香膏治鼻塞窒方

白芷

芎藭

通草

各十八銖

當歸

細辛

莽草

小品并千金翼以作薰草

辛夷

各十三銖

右七味哎咀以苦酒漬一宿以不中水猪肪一升煎三上三下以白芷色黃膏成去滓綿沾如棗核大內

鼻中日三

小品加桂  
心十八銖

香膏治鼻不利方

當歸

薰草

古今錄驗  
用木香

通草

細辛

麩仁

各十  
八銖

芎藭

白芷

各半  
兩

羊髓

四兩猪  
脂亦得

右八味㕮咀以微火合煎三上三下白芷色黃膏成

去滓取如小豆大內鼻中日二先患熱後鼻中生赤

爛瘡者以黃芩梔子代當歸細辛

治鼻塞氣息不通方

小薊一把呔咀以水三升煮取一升分二服

又方瓜蒂末少許吹鼻中亦可綿裹塞鼻中

又方

槐葉

升五

蔥白

升切一

豉

合一

右三味以水五升煮取三升分温三服

治鼻塞多年不聞香臭清水出不止方

取當道車輾過蒺藜一把擣以水三升煎取熟先仰

卧使人滿口含取一合汁灌鼻中使入不過再度上  
嚏必出一兩箇息肉似赤蛹一方有黃連等分同煎

治鼻齕方

通草

細辛

附子

右三味各等分為末以蜜和綿裹少許內鼻中

又方

甘遂

通草

細辛

附子

各等分

右四味為末以白雄犬膽和為丸如棗核大綿裹內

鼻中辛熱涕出四五升瘥亦治息肉

又方灸皂莢為末如小豆大以竹管吹鼻中

又方乾薑末蜜和塞鼻中吹亦佳

又方鐵鑠磨石取末以猪脂和綿裹內之經日肉出瘥  
又方以馬新尿汁仰頭含滿口灌鼻中

又方伏面臨牀前以新汲冷水淋玉枕上後以瓜蒂末  
綿裹塞之

治齕鼻有息肉不聞香臭方



瓜丁

細辛

右二味各等分為末以綿裹如豆大許塞鼻中須臾

即通

通草散治鼻中息肉不通利方

通草半兩

礬石

真珠各一兩

右三味為末撚綿如棗核取藥如小豆著綿頭內鼻中日三易之一方有桂心細辛各一兩同前擣末和

使之

治軌鼻鼻中息肉不得息方

礬石

藜蘆

各六銖

瓜蒂

二七杖

附子

十二銖

右四味各搗篩合和以小竹管吹藥如小豆許于鼻

孔中以綿絮塞鼻中日再以愈為度

古今錄驗加葶蘆半兩

治鼻中息肉方

灸蝟皮為末綿裹塞之三日

又方細篩釜底墨水服之三五日

治鼻中息肉不聞香臭方

燒礬石末以面脂和綿裹著鼻中數日息肉隨藥消  
落

又方木瓜丁如小豆許吹入鼻中必消如此三四度良  
又方

細辛 釜底墨

右二味為末水和服方寸匕

又方綿裹瓜蒂末塞鼻中

羊肺散治鼻中息肉梁起方

羊肺一具乾之

白朮四兩

菴蓉

通草

乾薑

芎藭各二兩

右六味為末食後以米飲服五分匕加至方寸匕

又方

通草十二銖

真珠六銖

礬石

細辛各一兩

右四味為末搥綿如棗核沾散如小豆并綿內鼻中

日再三

治鼻中息肉方

灸上星二百壯穴在直鼻入髮際一寸

治鼻中生瘡方

燒祀竈飯末以傅鼻中

又方燒故馬絆末傅鼻中

又方偷孝子帽以拭之

又方烏牛耳垢傅之

又方以牛鼻津傅之

又方擣杏仁乳傅之亦燒核壓取油傅之

又方燒牛狗骨灰以臘月猪脂和傅之

治疔蟲蝕鼻生瘡方

燒銅筋頭以酢淬之數過取酢傅之又以人屎灰塗之瘥

治鼻痛方

常以油塗鼻內外酥亦得

治卒食物從鼻中縮入腦中介介痛不出方

牛脂若羊脂如指頭大內鼻中以鼻吸取脂須臾脂

消則物逐脂俱出也

論曰鼻頭微白者亡血設令微赤非時者死病人色白者皆亡血也凡時行衄不宜斷之如一二升已上恐多者可斷即以龍骨末吹之九竅出血者皆用吹之

治大便出血及口鼻皆血出血上心胸氣急此是勞熱所致方

生地黄八兩 蒲黃一升 地骨皮五兩 黃芩

芍藥 生竹茹各三兩

右六味呿咀以水八升煮取二升七分合分温三服  
凡吐血衄血溺血皆藏氣虛隔氣傷或起驚悸治之之  
方

生竹皮

升一

芍藥

黃芩

兩各二

芍藥

當歸

桂心

甘草

兩各一

右七味呿咀以水一斗煮竹皮減三升下藥煎取二  
升分三服

治衄血方



生地黄 六兩 芎藭 一兩 細辛 六銖

伏龍肝 二枚如雞子大 桂心 白芷

乾薑 芍藥 甘草 吳茱萸 各三兩

右十味㕮咀以水三升酒七升煮取三升分三服

生地黄湯治鼻衄方

生地黄 八兩 黃芩 一兩 阿膠 甘草 各二兩

栝葉 一把

右五味㕮咀以水七升煮取三升去滓內膠煎取二

升半分三服

又方

生地黄

三斤切

阿膠

二兩

蒲黃

六合

右三味以水五升煮取三升分三服

又方地黄汁五合煮取四合空腹服之忌酒炙肉且服  
粳米飲

又方飲小薊汁良

又方以冷水淨漱口含水以蘆管吹二孔中

又方取亂髮五兩燒作灰以管吹鼻中棗核大不止益吹之以血斷止并水服方寸匕日三甚者夜二已困不識人者服亦佳

又方取人尿尖燒灰水服并吹少許鼻中止

又方五月五日取人尿燒作灰冷水服五分匕佳

又方以膠帖鼻頭上至頂及髮際三寸止

又方新馬屎汁灌鼻中及飲之良

又方以濕布薄胸上善

又方淳酢和土塗陰囊上乾易之

又方韭根蔥根取汁懸頭著一棗大內鼻中少時更著  
兩三度瘥蔥白搗汁亦得

治鼻中出血不止方

地黄

乾者

梔子

甘草

各等分

右三味治下節酒服方寸匕日三如鼻疼者加豉一  
合鼻有風熱者以蔥涕和服如梧子五丸

又方搗楮葉汁飲三升大良

灸方張弓令弦向上病兒仰卧枕弦放四體如常卧法  
衄時癢癢便灸足大指節橫理三毛中十壯劇者百壯

衄不止灸其并治陰卵腫

又灸風癩十穴四壯不止又灸

又灸涌泉十穴各百壯

備急千金要方卷十六

總校官中書臣朱 鈐

校對官中書臣胡紹基

謄錄舉人臣汪師曾